

《佛說觀無量壽佛經》 補充講表

◎附表二十一：

○見此事者，即見十方一切諸佛。以見諸佛故，名念佛三昧。

《大乘止觀法門》·歷事指點云：「我今所見諸佛，雖是想心所作；但即能知，由我想念熏真心故，

心中現此諸佛。是故所見之佛，不在心外；唯是真心之相，有即非有，非有即有。」

《大乘止觀述記》·歷事指點云：「此明觀想見佛，與十地大士見盧舍那佛，事理相同。何以故？皆

是真心為因，想心為緣，因緣和合，現起佛身相好故。蓋華嚴道場中諸大菩薩，

所修見佛之業，悉是心作也。即以此業，還熏真心，現起千丈盧舍那佛。此佛

實從心起，不從外來也。然則與我觀想見佛之為心作心起者，毫無差異。」

○舉身光中，五道眾生、一切色相，皆於中現。

《觀無量壽經義疏》云：「五道眾生，合修羅故。菩薩垂形五道，救苦眾生，故於光中現其色相。」

○其天冠中，有一立化佛，高二十五由旬。

《觀無量壽經義疏》云：「冠中化佛，以表帶果而行用。」

○唯頂上肉髻，及無見頂相，不及世尊。

《觀經疏妙宗鈔》卷四云：「肉髻是相，無見頂是好。此之相好，表於極果，今作因人，故不及佛。」

○作是觀者，不處胞胎，常遊諸佛淨妙國土。

《觀無量壽經義疏》云：「不處胞胎等者，脫娑娑苦，生佛淨土，寶蓮孕質，永絕胞胎。」

○此觀成已，名為具足觀觀世音、大勢至。

《觀經疏妙宗鈔》卷四云：「名為具足觀觀世音、大勢至者，以二菩薩，唯有頂上化佛、寶瓶，二種

有異，餘相皆同。同異分明，名具足見。」